

۱۶ ربیع الاول ۱۳۳۲

پنجشنبه

۳۰ کانون ثانی ۱۳۲۹

عدد — ۸۳

جریده صوفیه

امور اداره و تحریریه و اعلانات و ساثره
ایچون مدیر مسئوله مراجعت ایدملیدر.

مرقای امتک مقالات منصوفانه لرینه
جرید صوفیه تک صیفه لری آچقیدر .
درج ایدلیان اوراق اعاده ایداز .

شیمدیلک هفته ده بر نشر اولنور .

نسخه سی ۴۰ پاره در

ابونه سی : بر سنه لک اعتباریه ممالک
عثمانیه ایچون ۴۰ آلتی آیلنی ۲۵ فروش
وممالک اجنیه ایچون اون ایکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

وادی حذلانه سوق ایدر توفیق الہی بہ مظہریت دخی صفات مدوحہ نک
موجبات فیضی در اندہ حقیقت منجلی در انک ایچون انسان کنندیسی
انامدن تطہیر ایلہ اعمار قلب و بدنہ ساعی اولمی در بودہ تدبیر و ابتصارہ
توقف ایدر .

خالص

فلسفہ

متسلسل جوابلرم ۶

وحدت و واجب الوجودی اکلامیان مضایبہ بردرس حقیقت ،
وحدت وجودہ قائل اولانلر اشیایی عین حق کوریور (وحکم بہ
ہمہ اوست) دیورلر بوندن مقصدلری اشیانک حق جل و علا ایلہ انحدادی
دکلدر ، اگر تزیہ تنزل کوسترہ چک اولورایسک واجب ممکن اولمازیمی؟
بونلرک جلدیسی کفر والحاددر . (فہوسبجانہ الان کاکان فسبحانہ
من لایتغیر بذاتہ ولا یصفایہ ولا فی اسمائہ بحدوث الا کوان) صرافت
اطلاق ذاتیسی اوزرہ اوج و جوبدن حضیض امکانہ میل بیورمامش
بلکہ (معنی ہمہ اوست) اشیاء معدوم و موجود (اوست) یعنی حق ؛
قوجہ منصور (انا الحق) دیدی . بوسوزیلہ بن حق و حق ایلہ منہدم
دیک ایستمدی . چونکہ بونلرک کفر اولدیفنی پک کوزل بیورودی
اونک موجب قتل اولان (من نیستیم ، موجود حق است) قولیدر
صوفیہ اشیایی ظہورات حق بیور و مجاری اشیاء صفات حق اعتقاد
ایدلر ، کولکہ بر شخص ایلہ ہمند اولورسہ اوظلاک شخص ایلہ انحدابہ
قائل ونسبت عینیتہدہ راضی اولمازلر . اوشخص تنزل ابدوب سایہ
کوسترمشدر ، بلکہ اوشخص صرافت ، اصالت ذاتیسی اوزرہ درکہ
ظل اوندن وجودہ کلشدر . شائبہ تنزل وتغیر تصور ایدیلہ مز . کمال
محبت اوشخصک و جودیلہ ظاہر ، فرضا وجود سایہ اونظاردن مخفی
اولور ، وشخصدن غیری ہیچ رشی اونلرک شہودی اولماز . (ظل
عین شخص است) دیرلر ، ظل نظرده معدوم اولورسہ میدانده موجود
اوشخص قالور ، نزد صوفیہدہ اشیاء ظہورات حقدر ، جل سلطانہ نک
عینی دکلدرکہ اشیاء حقدن اولسون (ہمہ اوست ہمہ ازوست) دیک
اولیور ، عامای کرام و صوفیہ عظام بینندہ حقیقتہدہ اختلاف یوقدر
قولینک مألندہ کی فرق صوفیہ اشیایی ظہورات حق دیورلر و علما
بولفظدن توہم حلول وانحدادن طولانی تخریز کوستر یورلر .
صوفیہ اشیایی وجود ظہورات ایلہ معدوم خارجی بیور و خارجدہ حقک
غیری موجود کورمز لر علما ایسہ اشیایی موجودات خارجیہ اولہرق قبول
ایدیورلر کہ ہر ایک فرقہ نک نزاعی منادہ ثابت اولیور
صوفیہ نک جوابی — ہر نقدر عالمی معدوم خارجی بیورلر ایسہدہ

انسانہ دندر . صفات مہلکہ بہ کلنجہ بونلرہ محل جریان قلب اولور بو
صفات مہلکہ ایسہ استیلاء شہوت و غضب و بخل کبر و عجب و ریا و حسد
وسوء ظن و غفلت و غرور کی احوالدر انسان ہر دائم افعالنی انتقاد
ایدمہ بیار کنندیسی بونلردن عاری و منزہ عد ایدر ایسہ کیفیت امتحان
نفسہ رجوع ایدر ، مثلاً افعال مقدوحہ نک عروضندہ انسان اندن توفی
کوستر دیکہ صفات مدوحہ بہ رجعتہ ملکہ کلیر صفوت و سلامت و سعادت
توجہ ایلر ، ہر صفت مکروہہ نک تقابل ابتدیی حالت مقبولہ نک اتاری
نظر تفکرہ النوب نفسی انلر ایلہ استیناسہ سوق و تحریک الیک ایجاب
ایدر ، منجبات ایسہ ذنوبدن ندامت مصائبہ صبر ونعمتلرہ شکر خوف و
رجا و زہد و اخلاص کی احوال سلامت اشتمالدر . صدق و محبہ اللہ و امر
الہی بی تعظیم دہ بوجہ دندر . ذاتاً حکمت شرعیہ اسلامیہ نک تعیین ابتدیی
وظیفہ مہمہ امر الہی بی تعظیم ایتک و مخلوقانہ شفقت کوستر مکرر . عبد خالق
اعظمہ تقریہ باعث اولان احوالہ میل ایتلی در ، بودہ انحق علم و معرفت
ایلہ حاصل اولور علم و عرفان فکرک ترایدر انسان وعد و وعید الہی بی
نظر امان و تفکرہ الوب تصفیہ ذاتہ اہتمام کوستر ملی و مظہر اولدینی
نعمتلرہ ادای تشکرات ایلہ مقابلہ ایتلی در ، بوموجودات بر مؤثر اعظمک
اثار وضع و معرفتی اولدیفندن فکر و امان ہول محشری و جنات نعیمی
نذکر ایتدیکہ ذنوبدن توفی ایدر عبادات و طاعانہ اہتمام کوستر ، قرآن
عظیم الشانک صحف مقدسہ سی قابو و مؤہبی تیور ایدر . جیع مقاماتی جامع
شفاء مؤمنین در .

او صحف مقدسہ نک معانی جلیلہ سی خوف و رجا و صبر و شکر و
محبت و شوق کی صفات مدوحہ بی تعیین و احوال مذمومہ دن منع و
زجر ایدر ، ہر قرآنی شوق و سرورہ و نذرہ باعث صفای قلبی جالب
اولور ، جوامع الکلم در ابحار حکمتدر ، آیات جلیلہ نک معانی لطیفہ سی
انسانی عالم استغراقہ سوق ایتسکلہ برابر احادیث رسول مجتہادہ مناہج
حقیقی تعیین ایدن بر مشکاۃ سعادتدر ، انسان تعمیر ایلر اخلاق مدوحہ
ایلہ انصاف ایتدیکہ جلال و جمال الہی تجلیاتی تفکر ایلہ سرور و بہجتہ
مستغرق اولور ، بو استغراق عاشقک محبوبی ایلہ ملاقاتہ کی احوالہ تمایل
ایدر بو صرمدہ عاشق کنندی نظر اعتبارہ الہ من بوتون حواس و حانیہ سی
محبوبہ منعطف اولور ، بہت وحیرت ایچندہ قالیر کیدر ، ایشستہ بو حال
منہای لذت عشقدر ، بونک کی انسان تزکیۃ اعمالہ عطف نظر اہتمام
ایدر ایسہ اضاعۃ عمر ایلہ صفر الید قالز اصلاح نفسہ موفق اولور ، قرب
حضور ایلہ متمتع قالیر اثار قدرت الہی بی تقدیر ایلہ حیران اولان کبرای
خواص بادبہ ہیای تبیع اولورلر ایدی بو صرمدہ حسین بن منصورہ
ملاق اولنور حالندن سوال ایدیلر مشاہدۃ اثار قدرت الہیہ ایلہ اصلاح
نفس ایتک ایچون بادبہدہ طولاشمقدہ اولدینی جوابی النیر انسان صفات
مہلکہ دن رہایاب اولقی ایچون نقایصدن تجرید نفسہ ساعی اولمی درکہ
محبوبہ ملاق اولدقدہ نظر محبت ایلہ مستغرق لذات اولسون امر دینہ
اعتنا بو زینت ذاتی بی داعی اولور صفت عبودیت بودر معاصی انسانی

